

Na osnovu člana 69. Zakona o javnim nabavkama Bosne i Hercegovine ("Službeni glasnik BiH", broj: 39/14"), a nakon provedene procedure konkurentskog zahtjeva za dostavljanje ponuda zaključuje se slijedeći

UGOVOR

Ugovorne strane:

1. Javna ustanova osnovna škola „Malta“ Sarajevo, Marka Marulića 27, 71 000 Sarajevo, ID broj: 4200168920001, koju zastupa direktor Asmir Hasičić (u daljem tekstu: *Naručilac radova*)

2. Konkrit d.o.o. Sarajevo, Marka Marulića 2/VI, 71 000 Sarajevo, koga zastupa Edhem Hodžić, ID broj: 4200543790005, u daljem tekstu: *Izvođač radova*),

PREDMET UGOVORA:

Član 1.

Predmet ugovora je izvođenje radova postavljanja poda i podnih obloga u školskoj fiskulturnoj sali a nakon okončanog konkurentskog zahtjeva za dostavljanje ponuda. Sastavni dio Ugovora je Ponuda broj: 77-06/18 od 19.06.2018. godine.

CIJENA I NAČIN PLAĆANJA

Član 2.

Vrijednost ugovorenih radova bez PDV-a iznosi 18952,00 KM, (slovima: osamnaest hiljada devetstoinapadesetdvije konvertibilne marke). PDV na ugovorenu vrijednost radova iznosi 3221,84 (KM), (slovima: tri hiljadestvjestinedvadesetjednu konvertibilnu marku i 84/100 kf). Ukupna vrijednost ugovorenih radova, sa uračunatim PDV-om, iznosi 22173,84 (KM), (slovima: dvadesetdvijehiljadestoinusedamdesettri konvertibilne marke i 84/100 kf). Plaćanje *Izvođaču radova* izvršit će *Naručilac radova* na transakcijski račun *Izvođač radova* broj: 3389002207712929, otvoren kod UNI CREDIT BANKE (*Naziv banke*).

PRAVA I OBAVEZE

Član 3.

Izvođač radova se obavezuje:

- da će izvesti ugovorene radove stručno, kvalitetno i u skladu sa dokumentacijom iz TD, pozitivnim zakonskim i podzakonskim propisima kao i standardima i normativima predviđenim za ugovorenu vrstu radova
- da će uredno voditi građevinski dnevnik, građevinsku knjigu i ostalu građevinsko - tehničku dokumentaciju, te da će obračun vršiti samo na osnovu prethodno ovjerenih

Malta

- količina izvršenih radova u građevinskoj knjizi od strane Nadzornog organa odnosno Naručioca radova,
- da će u roku od tri dana po potpisivanju ovog ugovora imenovati odgovornog rukovodioca radova i pismeno o tome obavijestiti *Naručioca radova*,
 - da će o svom trošku otkloniti sve nedostatke na izvršenim radovima koji se eventualno utvrde u toku izvođenja radova, a na zahtjev i u roku koji odredi *Naručilac radova*, odnosno *Nadzorni organ*,
 - da otkloni sve nedostatke prilikom tehničkog prijema i primopredaje radova u roku koji odredi *Nadzorni organ*,
 - da otkloni sve nedostatke u garantnom roku na koje ukaže *Naručilac radova*,
 - da će osigurati dokaze o kvalitetu radova i ugrađenih materijala i opreme prema važećim standardima i zahtjevima iz TD,
 - da će organizovati i obezbijediti zaštitu svojih radnika, materijala i opreme na gradilištu i imovine uz gradilište,
 - da će o svom trošku pribaviti sve ateste i garancije za sav ugrađeni materijal i opremu izdat od ovlaštenih institucija i iste predati *Naručiocu radova*,
 - da će snositi sve eventualne štete pričinjene trećim licima prilikom izvođenja radova, odnosno nastalih kao posljedica izvođenja radova,
 - da po završetku i primopredaji radova ukloni sav višak materijala i opreme sa mjesta izvođenja radova,
 - da zajedno sa Nadzornim organom sačini zapisnik o završenim radovima.

ROK IZVOĐENJA RADOVA

Član 4.

Izvođač radova se obavezuje da će posao iz člana 1. ovog Ugovora završiti u roku najkasnije do **20.08.2018.godine**.

Rok za izvođenje radova može se izmijeniti samo u slučaju odobravanja od strane *Naručioca radova* i na pismeni zahtjev *Izvođača radova*.

Zahtjev *Izvođača radova* će se prethodno razmotriti i ukoliko *Naručioc radova* utvrdi da je isti opravdan pismeno će odobriti produženje roka.

UGOVORNA KAZNA

Član 5.

U slučaju prekoračenja rokova predviđenih dinamikom izvođenja radova, *Izvođaču radova* se umanjuje naknada za obavljeni posao za svaki dan prekoračenja u iznosu od 0,05 %, a obračunava se na ukupno ugovorenu vrijednost.

Ukupna obračunata kazna zbog kašnjenja ne može biti veća od 5% od vrijednosti ugovora.

U slučaju nekvalitetnog izvođenja radova *Naručilac radova* će zadržati iznos od 10% od svake privremene situacije.

Član 6.

Po izvršenju radova *Naručilac radova* će izvršiti pregled i o eventualnim nedostacima izvijestiti *Izvođača radova*, koji je dužan iste otkloniti u roku od sedam (7) dana od dana obavijesti, o svom trošku.

GARANTNI ROK

Član 7.

Garantni rok za izvedene radove je 24 (dvadesetčetiri) mjeseca od dana kada Naručilac radova primi izvedene radove po ugovoru.

Izvođač radova se obavezuje da će sve nedostatke i kvarove, nastale usljed loše i nestručno izvedenih radova, a koji se pojave u garantnom roku, otkloniti u roku od sedam (7) dana po prijavi *Naručioca radova*.

Garantni rok na ugrađeni materijal je 10 (deset) godina od dana kada *Naručilac radova* primi izvedene radove po ugovoru.

Izvođač radova se obavezuje da će sve nedostatke i kvarove, nastale usljed lošeg kvaliteta ugrađenog materijala, a koji se pojave u garantnom roku, otkloniti u roku od sedam (7) dana po prijavi *Naručioca radova*.

RASKID UGOVORA

Član 8.

Naručilac radova može raskinuti Ugovor:

- ukoliko se *Izvođač radova* ne pridržava ugovorenih obaveza, odnosno ukoliko grubo krši odredbe ugovora.
- ako *Izvođač radova* ne ispunjava svoje obaveze,
- ukoliko kvalitet izvedenih radova nije u skladu sa tehničkim propisima,
- ako *Izvođač radova* ne izvede radove u predviđenom roku, izuzev ako je za odstupanje data pismena saglasnost *Naručioca radova*,
- ako *Izvođač radova* izvodi radove nekvalitetno i ne izvršava poslove po nalogu *Naručioca radova*,
- ukoliko poslove ustupi drugoj firmi ili podugovaraču poslova kojeg nije naveo u prihvaćenoj ponudi,
- u drugim situacijama u kojima se utvrdi opravdanost za raskid ugovora.

ZAVRŠNE ODREDBE


Član 9.

Ugovorne strane su saglasne da je u slučaju eventualnog spora po ovom Ugovoru nadležan Općinski sud u Sarajevu.

Član 10.

Ugovor je sačinjen u četiri (4) istovjetna primjerka od kojih svaka strana zadržava po dva (2) primjerka.


NARUČILAC RADOVA
JU OŠ „Malta“ Sarajevo


Asmir Hasičić, direktor

Broj: 02-126-6/18

Datum: 09.07.2018. godine

IZVOĐAČ RADOVA
Konkrit d.o.o. Sarajevo


Edhem Hodžić, direktor

Broj: 90-07/2018

Datum: 09.07.2018. godine

